

9

MOTU CORDIS
AB AVCTA VASORVM RESISTENTIA
AVCTO
DISSERTATIO
OPPOSITA ARGVMENTIS
CELEBERRIMI DE SAUVAGES.

IN REGIA FRIDERICIANA
D. XIX. MARTII M DCC LVII.

PRAESENTE
D. IO. PETRO EBERHARDO

MEDICINAE PROFESSORE PVBL. ORDIN.
CAD. IMPER. NAT. CVR. ET ELECT. MOGVNT. SCIENT. VTL.
SODALI SOC. TEVT. JENENS. MEMBR. HON.


PUBLICE DISPUTANDAM

PROPONIT

IOANNES CAROLVS BOECKING

TRARBACO-MOSELLANVS MEDICIN. DOCTORAND.





VIRIS
PRAENOBILISSIMIS, PRUDENTISSIMIS.
DOMINO
REICHARDO BOECKING
ET
DOMINO
IOANNI CHRISTOPHORO
DOERBECK

MERCATORIBVS SPECTATISSIMIS
AV VNGVLIS OPTIME
DE SE MERITIS

VT ET
DOMINO
ADOLPHO BOECKING
SERENISSIMI DVCIS BIPONTINI REDITVVM
PRAEFECTO

PARENTI OPTIMO

HANC DISSERTATIONEM

UT SIGNVM

ET VELVTI TESSERAM

OBSERVANTIAE AMORI

ET OBSEQVII

CVM VOTO

PROSPERITATIS ET FELICITATIS CONTINVA

D. D. D.

IO. CHR. BOECKING.



§. I.

Occasio scriptionis.



Qui mechanicas phaenomenorum corporis humani explicationes proferunt, iis accidere nonnunquam solet, vt vel falsas assumant leges mechanicas, vel veras & indubias leges peruerse adplicant. Non excitabo iam obsoletas cartesianoru[m] fabulas, de varia pororum & fluidarum particularum figura, vel rotunda, vel prismatica, pyramidali & conica. Nemo est recentiorum Medicorum, qui ex orco haec veluti monstra audeat reuocare. Duo tantum adducam exempla recentiorum, quibus docemur, fieri posse vt non parum impingant contra mechanicas leges, qui vel maxime mechanicos se profitentur. Alterum est hydrostaticum exemplum, alterum stricte mechanum. Fluida in tubis communicantibus diuersae diametri ita mouentur, vt celeritas sit maior sub minore diametro. Hoc falso adplicatum est ad corpus humum, indeque deductum, celeritatem sanguinis in vasis

6
capillaribus esse maximam. Deinde elasticum corpus tensum, se restituit propria vi in pristinam figuram. Certissima haec est mechanica lex. Deductus est inde motus cordis. (*) Fibras nempe cordis ab irruente sanguine tendi & expandi, ac propria dein vi contrahi: prius fieri in diastole cordis, posterius in systole. Hanc motus cordis caussam confutarunt recentissimi Medici, demonstrantes, cor absque praegressa expansione pulsare, si cuspidi cultri aut acri quadam materia irritetur. Imo sub systole, carnosas fibras intumescere, vti hoc in quo quis alio musculo animaduertimus, quod ex sola elasticitate fieri nequit. Demonstratum inde est irritabilitatem cordis veram esse eius motus caussam. (**) Sed quorsum haec! Non sane vt falsas esse demonstre mus omnes mechanicas explicationes, sed vt inde discamus caute mercari. Vt non quascunque leges mechanicas in corpore promiscue adplicemus, sed vt omnes circumstantias accurate & sufficienter pondere

mu

(*) Hanc de motu cordis ab elasticitate fibrarum, sententiam summi viri proposuerunt. Sic Fried. HOEMANNVS. Medic. ration. system. Lib. I. Sect. I. cap. 3. §. 17. expansis a calido irruente sanguine cordis fibris, diastolen fieri, his ob elasticitatem se contrahentibus, systolen contingere adfirmat. Imo ausus est STEPHANVS omnem motum muscularum, ab elasticitate fibrarum tensarum deducere. Sed recte tum a BORELLO de motu anim. P. II. cap. prop. 77. demonstratum est, caussam motus cordis, non diuersam esse ab actione reliquorum muscularum: hinc ex eodem fonte riuandam. Idem BOERHAAVIVS contendit, Instit. Med. §. 1. licet vterque veram & ultimam motus cordis caussam ignorauerit.

(**) Vid. Illustr. de HALLER Physiol. §. 113. p. 66. & C. G. LUDEW.

mus. Exhibuimus alio tempore huc pertinentes cautelas, in dissertatione nostra *de legibus physicis caute in Medicinā adplicandis*. Dedit interim peruersa haec legum mechanicarum in corpore humano adplicatio, ansam nonnullis Mathematicis, omnes has explicatio-nes fugillandi. Est inter hos non vltimo loco nume-randus celeberrimus *de S A U V A G E S*. Vir fama, eru-ditione & ingenio, non in Gallia modo spectabilis, sed inter nos quoque satis superque notus. Ridet is va-rias mechanicarum legum in c. h. / applicationes, & acerbe satis confutare sic dictos Mechanicos conatur, per ipsas leges mechanicas. Non negamus, varias a celeberrimo viro adductas leges, iure meritoque ride-ri. Sed fatendum tamen est, tum has ipsas leges a summis in Germania nostra Medicis non amplius adhi-beri, sed diu iam esse proscriptas, tum nonnulla quo-que à doctissimo Sauvagio impugnari, quae optimis vt credo argumentis, defendi possunt. Pertinet huc lex, qua ad explicandum aestum febrilem vti solemus, auge-ri nempe in febre motū cordis, ab aucta vasorum re-sistentia. Id vero ferendum non esse censet, vt contra omnes mechanicas leges, affirmetur, augeri motum a resistentia, cum certum potius sit, eum inde minui. Pertractandum nobis hoc sumsimus argumentum, & operam dabimus, vt demonstretur, & veram hanc esse legem mechanicam, & in corpore humano adplica-bilem.

§. II.

Experientia quid doceat?

Accidit non nunquam vt augeatur in corpore animali ea vis, qua sanguis & vasa, cordi necessario rea-

gunt. Fieri hoc potest, si vel sanguinis massa augeatur quoad copiam, in plethoricis, vel quoad densitatem, in iis quibus vasa spisso sanguine turgent. Vel si spasmus periphericus, sanguinis transitum per minima in superficie corporis vasa prohibeat, vel si stagnans sanguis transitum insequenti sanguini non permittat: vti in inflammatione, obstructione viscerum, similibusque morbis. Observuamus tunc successiue vim sanguinis augeri. Pulsum in plethoricis & sanguine spisso gaudentibus maiorem fieri, & validiorem. A spasmo item peripherico inflammatione, aut alia vasorum obstructione, calorem oriri, cum pulsu celeri & frequenti. Haec omnia fieri non possent, nisi aucta fuerit vis cordis. *Vim itaque cordis ab aucta resistentia vasorum augeri, patet per experientiam.*

§. III.

Possibles huius phaenomeni explicationes.

Duplex huius rei reddi potest ratio. Aut enim anima vel spirituosum aliquod principium, vel sensu molesto coactum, vel imminentis periculi cognitione adductum, auget vim cordis modo nobis incognito, & non explicabili, vt aucta vi cordis, tolli malum possit, & corporis adeo exitium praecaueri; aut ipse nexus corporis mechanicus efficit vt necessario vis cordis augeatur. Vtrumque possibile esse nemo negauerit. Qualis sententia vera sit, ex nexu phaenomenorum corporis humani, & legum physicarum cognitarum, determinandum est.

§. IV.

Vulgaris mechanicorum Medicorum explicatio.

Solent hoc phaenomenon vulgo sequentem in modum explicare. Fibras corporis nostri esse elasticas, adeoque expandi posse, & propria vi se contrahere, seu in pristinam figuram se restituere. Si itaque a spasmō peripherico fluida introrsum pellantur, vasa inde expandentur maiori vi, adeoque maiori etiam vi, ob elasticitatem insitam, se contrahent, hinc fluida celerius propellent. Augebitur itaque vis cordis & sanguinis celeritas. Si vero spissus sanguis ob maiorem massam magis resistat, fortiusque ob frictionem maiorem agat in vasorum fibras, hae fortius reagendo, motum augebunt. Eodem fere modo auctum motum ab inflammatoria stasi, aut ab infarctu viscerum, deducere conantur. Nisi quod hic simul respiciant ad motum sanguinis intestinum. Ob stagnantis sanguinis resistentiam, augeri vim cordis & vasorum contractilem: inde celeriorem reddi motum sanguinis. Hinc sanguinem magis resolvi, phlogiston liberari, sic motum intestinum augeri.

§. V.

Objectiones celeberrimi de SAUVAGES.

Ridet cel. *de SAUVAGES*, mechanicorum hanc explicationem, eamque legibus mechanices fundamentalibus contrariam existimat. *Primo* enim resistentiam inquit non esse posse caussam motus maioris. Quia motus per resistentiam minuatur. Sic frictio machinae motum minuit, non auget. *Eac* igitur spissum sangu-

nem plus resistere cordi, minuetur inde motus cordis. Verum cum frictio cum vasorum lateribus, simul cum spissitudine augeatur; augebitur ex hac quoque caufsa, resistentia sanguinis: hinc motus minuetur. *Deinde* elasticitatem fibrarum, ad augendum motum plane nihil conferre posse existimat. Notum est ex physicis legibus, vim qua perfecte elastica corpora se restituunt in pristinam figuram, aequalem esse vi qua antea compressa fuerant. Quae vero non perfecte elastica sunt, minori vi se restituunt. Si itaque vel maxime perfecte elasticae fuerint fibrae corporis nostri, motus fluidorum ab elasticitate vasorum augeri non poterit, sed aequalis tantum seruabitur. Ad auctiorem enim motum maior requiritur vis: ea vero vis qua fibrae reagunt in fluida, aequalis est semper vi fluidorum, hinc motus fluidorum post actionem elasticorum vasorum aequalis erit motui ante hanc actionem: adeoque auctor nunquam euadet. Sed perfecte elasticas esse vasorum fibras nemo dixerit, qui non ignorauerit nullum corpus esse perfecte elasticum, sed maiore tantum vel minore elasticitatis gradu gaudere. Quae vero perfecte elastica non sunt corpora, ne eadem quidem vi compressa vel extensa fuerant, se restituunt, hinc motui quoque tantum abest ut augeant, ut eum potius continuo minuant. Animaduertimus hoc in omnibus machinis, in quibus applicata elastrum, motum conseruant nequeunt. Quod si enim per elastrum obtineri hoc posset, quid quaeſo obstaret, quo minus *perpetuum* sic datum *mobile*, construeretur? quod nihil aliud requiri nisi conseruationem semel impressi motus. Ad verum machinam talem continuo se mouentem, repugnare viris mechanicis legibus, norunt omnes, qui vel le-

Schol. Variis in locis has obiectiones profert celeberrimus DE SAUVAGES. Respeximus tamen in primis ad ea quae in praefamine theoriae de *Inflammationibus*, itemque in tractatu de *caussa febrium* cap. I. hac de re differuit.

§. VI.

Status quaestio[n]is formatur.

Tria hic nobis potissimum sunt consideranda, quibus determinatis, tota quaestio facile solui potest. Primo inquirendum, an *actio vis, maior reddi possit per solam resistentiam corporis reagentis*. Hoc ex solis principiis mechanicis determinandum. Deinde, si demonstratum fuerit, hanc thesin non repugnare mechanicis legibus, ulterius inquirendum, an *ad nostrum corpus sit applicabilis haec lex*. Et tandem tertio inquirendum, an *contractio fibrarum muscularium, maiori vi fieri possit, quam ea fuit quae tensionem produxerat*. Non determinamus iam, an ab elasticitate vasorum auctior haec contractio dependeat, contra quam solam fere argumenta Sauvagii directa sunt: cum notum sit non in aliis modo physicis corporum actionibus, sed & in nostro potissimum corpore, plures simul concurrere leges, quae phaenomena producunt, ex una tantum lege non explicabilia.

§. VII.

Leges mechanicae hic applicande.

i) Primo, supponimus mechanicam legem notissimam, *actionem aequalem esse reactioni*. Ita ut si corpus

A agat in B, hoc ob inertiam suam, qua omne corpus in statu quietis vel motus se conseruare conatur, tanta vi resistat corpori A, quanta hoc in illud egit.
 2) Deinde notanda est nobis distinctio inter actionem *absolutam* corporis A, & *actionem corporis A in B*. Si nempe tota vis qua A mouetur sit = 5, B autem resistat vi = 3, actio corporis A in B erit = 3. (*)

§. VIII.

An actio vis, augeri possit per solam resistentiam.

Si iam determinanda sit mechanica quaestio: actio vis cuiuscunque augeri possit per solam resistentiam? facile patet, antea nobis determinandum esse, an absolutam hic intelligamus actionem, an vero actionem in corpus. Ponamus primo absolutam nos intelligere actionem, non difficulter intelligitur, absolutam vim agentis corporis, augeri non posse per resistentiam. Resistere enim dicimus ea quae requirunt adplicacionem vis. Vis autem adplicata non augetur; cum parvis agentis sub applicatione ad aliud corpus, deceda corpori agenti, hinc totam vim minuat. Verum & hic duplex datur casus. Vis enim adplicata vel redditur corpori agenti, vel non: si prius, vis non minuitur si posterius, vel tota vel ex parte saltem tollitur. Primit in corporibus perfecte elasticis, vbi corpus B compressum a corpore A, & in pristinam figuram se restituens, reddit corpori A eandem vim & celeritatem.

(*) Receptae hae sunt, & ab omnibus physicis agnita leges, hinc veteriori demonstratione & illustratione non egent. Ulterius explicitas vide in Ersten Gründen der Natur-Lehre §. 57. & 58.

directione tantum mutata. Posterior in corporibus vel non perfecte elasticis, vel duris, vel mollibus, continet, ubi vis corporis agentis A, vel plane vel ex parte tolli debet.

Si vero *actio in corpus* intelligatur, longe aliter series habet. Si enim corpus A vi gaudet $\equiv 5$, hoc corpori B vi $\equiv 2$ resistenti, tantum partem vis suae $\equiv 2$ communicabit (§. antec.). Corpori vi 3 resistenti aequalem vim impertiet &c. Quo maior itaque est resistentia, eo maior erit actio in corpus, usque dum resistentia vim corporis A superauerit.

Pro circumstantiarum itaque ratione, vis corporis agentis absoluta, minuetur, aucta resistentia, eius autem actio in aliud corpus, eadem resistentia aucta, augebitur.

§. IX.

Qualis casus in corpore animali sit adplicabilis.

Cum absoluta vis corporis cuiuscunque, semper minuatur ab aucta resistentia, non opus est ut moneamus lectores nostros, hoc in corpore animali quoque locum habere. Sed alterum quoque casum adplicari ad corpus animale posse, & deberi, non statim patet: hinc ulterius hoc explicandum. Redeundum hic nobis est ad prima motus in corpore animali principia. Proximam & primam motus sanguinis caussam, sub naturali statu esse actionem cordis, omnes fatentur Medici, cuicunque sectae demum nomen dederint. Cor dum incipit agere ut musculus, & cavitates minuere, plenum est sanguine, h. e. fluido corpore. Cedit sanguis vi

agentis cordis: & cum actio cordis non fiat in momento, sed successiue, quae primo momento impulsae fuerant sanguinis particulae, eae non omnem vim cordis suscepunt, sed partem tantum. Impossibile enim est, ut corpus cedens actioni alterius, totam eius vim in se suscipiat. Idem valet de sanguine secundo momento moto. Vltimo actionis momento idem accidere, facile potest demonstrari. Qui enim prius mouetur sanguis, ob motum celerrimum, parum vel plane non resistit insequenti sanguini. Hinc sanguinis particulae vltimo momento motae dum vel exiguam vel plane nullam deprehendunt resistentiam, celerrime ab impulsu cordis mouentur: hinc cum non satis resistant, non omnem vim suscipiunt cordis agentis. Si vero a qualunque demum caussa, sanguinis celerior egressus e corde impediatur, resistentia augebitur; hinc maior pars vis cordis, sanguini communicabitur, adeoque vis mortis sanguinis augebitur.

Alio quoque modo demonstrari potest, vim cordis agentis absolutam, reuera maiorem esse sub natura statu resistentia vasorum, adeoque non omnem vim cordis sanguini communicari. Vis enim haec vel minor est, vel aequalis, vel maior, quam vasorum resistentia. Prius impossibile est, alterum repugnat experientiae. Hinc vltimum locum habere debet. Primum impossibile esse, facile patet. Si enim vis cordis minor esset vasorum resistentia, moueri sanguis a agentis cordis, non posset, quod legibus physiologis contradicit, adeoque est relatiue impossibile. Visceris aequalem esse resistentiae vasorum, experientiae manifesto repugnat. Si enim vis cordis aequaliter esset resistentiae vasorum, motus produci non posse

cum vires aequales & oppositae, aequilibrium seruent. At repones, forte vis cordis agentis aequalis est summae omnium reactionum, ita vt si sanguis ea celeritate moueatur, qua reuera mouetur; si frictio eadem sit quae sub sano & incolumi statu obtinet; tunc a celeri-
no in vasā incursu, ab elasticorum vasorum reactione,
& frictione cum vasorum lateribus orta resistentia,
aequalis sit vi cordis absolutae. Hoc modo enim pos-
ibilis esset motus sanguinis, licet vis cordis aequalis
oret summae omnium resistentiarum. Ne hoc quidem
conciliari potest cum experientia. Fac vim corporis
 $A = V$, aequalem esse vi corporis $B = v$: fac porro, cor-
pus B impelli ab A & data celeritate moueri. Patet aucta
corporis B resistentia, ita vt iam sit $= v + r$ eam mai-
orem fore vi V , hinc motum vel plane cessare vel maxi-
me minui deberi. Hoc in corpore non contingit. Si
nim summae resistentiarum sub statu naturali accedat
is a spasmo peripherico producta, tantum abest vt in-
e minuatur sanguis vis, vt potius augeatur.

Schol. Potest haec theoria ad varios in c. h. casus appli-
cari. Probabile est auctum a pastū calorem, ex parte
ab hac quoque caussa dependere. Si enim recens chy-
lus transeat in sanguinem, non modo massa sanguinis
augeatur quoad copiam, sed et particulae chyli non-
dum subactae, crassiores & specifice grauiores, tum pro-
priavi, tum frictione cum vasorum lateribus, aucta, re-
sistunt magis cordi: hinc efficiunt, vt maior fiat actio
cordis in fluida; hinc celerior motus & auctus calor.
Pulchre quidem noui, plures hic concurrere caussas,
potissimum salia in crudo chylo nondum perfecte sub-
acta, agere in oleosas sanguinis partes, sic phlogiston
liberare. Neque has caussas solum solidas esse posse

volo, ad massam etiam sanguinis auctam respiciendum esse, si omne caussae simul sint sumendae.

§. X.

Exempla vis auctae a maiori resistentia.

Non desunt exempla quibus veritas huius rei illustrari potest. Fac globum plumbeum pulueris pyrii operae sclopeto proiici, vis huius globi longe erit maior vi globi lignei & chartacei. Quia nempe densitas ac massa maior est; hinc inertia ac resistentia maior; hinc plus suscipere potest de vi pulueris explosi. In corpore humano idem accidere iam BOERHAAVIVS vedit (*), dum motum sanguinis intestinum ex parte ex diuersa densitate globulorum sanguineorum deduxit, & eos globulos celerius & maiori vi a corde proiici existimauit, qui densiores sint, aut specificè grauires. Quam theoriam si summus Vir vterius ad sanguinis motum adplicasset, facili negotio determinasse caussam quare cordis vis augeatur a vasorum resistentia. Notum porro est, leuia & parum resistentia corpora parum ledi a maxima etiam vi. Percute plumam volantem baculo, maximo conatu, parum in se suscipie de vi tua. Eadem vi vitrum aut simile corpus percute franges sine dubio: quia resistentia maior erat, & plu de vi tua suscipere poterat.

§. XI.

AdPLICATIO huius theoriae ad corpus animale.

Si itaque vis cordis non omnis transit in fluidissimum, & actioni cordis cedentem sanguinem, sed al quam tantum partem vis suae sanguini communica

quae eo maior est, quo maior est sanguinis resistentia: patet ratio quare in plethoricis, in febricitantibus, in iis quibus obstructa sunt viscera, augeatur vis & actio cordis. In plethorico enim aucta est sanguinis massa. Iam cum inertia, adeoque & resistentia proportionata sit massae, patet, inertiam ac resistentiam sanguinis in plethoricis esse maiorem. In initio paroxysmi febrilis, spasmus adest periphericus, sanguifera & cum his connecta vasa, in superficie corporis coarctans, hinc sanguinem versus interiora pellens. Iam cum sub naturali statu, libere per haec vasa transiret sanguis; nunc vero causa adsit hunc transitum impediens, patet resistentiam inde augeri: hinc actionem cordis in sanguinem fieri maiorem. (§. IX.) Verum, quod in aliis etiam physcis phaenomenis accidere solet, vt nempe plures causae ad producendam mutationem quandam simul concurrant; id etiam hic vsu venire animaduertimus. Vis nempe sanguinis sub febrili paroxysmo, non modo ex aucta vasorum in peripheria corporis resistentia augetur, sed & alia ex causa quae infra §. XIV. explicabitur. Quod de spasmo diximus, illud de obstructione quoque valere, nemo non videt. Sint obstructa plura vasa, sanguis ad ea adpulsus, libere alias transiens, iam impingit in obstructos canales: hinc cum transire nequeat, magis resistit sequenti sanguini, adeoque & cor. Cum autem corpus magis resistens, plus suscipiat de vi corporis agentis; sanguis quoque ob obstructio- nem in parte quadam cordi magis resistens, maiorem accipiet partem vis cordis.

§. XII.

An fibra elastica maiori vi se possit contrahere quam ea fuit qua distendebatur.

Ad ultimam tandem partem accendentibus nobis inquirendum est, an fibra elastica tensa, maiori vi se possit contrahere, quam ea fuit qua tendebatur. Hic si mechanica principia respiciamus, utique animaduerimus, corpora perfecte elastica, eadem vi se restituere, qua tendebantur, aut comprimebantur. Diximus autem, fibras corporis nostri ne esse quidem perfecte elasticas. Hinc tantum abest, ut sola elasticitate sua se contrahere queant vi maiori, ut potius vis qua fibrae se contrahunt, minor esse debeat vi irruentis & eas distendentis sanguinis. Videtur itaque obiectio celeberrimi SAUVAGII tolli non posse. Utique vera est obiectio, si ad solam fibrarum corporis humani elasticitatem respiciamus. Verum non elasticae modo sunt, sed alia quoque gaudent vi ab elasticitate longe diuersa, & propter quam maiori vi contrahere utique se possunt. Notissimum enim est, et innumeris physicis exemplis demonstrari potest, mutari, & alio modo determinari posse actiones virium physicarum, si plures simul concurrant naturae leges. Gutta aquae quae ex gruitate sua cadere deberet, ascendit directione contraria in tubis capillaribus; quia nempe praeter gravitatem, adhaesio guttulae cum tubulo simul concurrit, & fluidi directionem motumque mutat.

§. XIII.

Fibrae musculosae corporis animalis sunt irritabiles.

Docet experientia, fibras musculosas, acu vel cuspipe cultri puncetas, aut acri quodam fluido, ut oleo

Haec contractio vel dependet ab elasticitate fibrarum, vel ab immateriali principio, vel ab alia vi physica. Ab elasticitate dependere nequit, cum elasticitas motum antea nullum producat, quam corpus tensum fuerit aut compressum. Fibra vero neque tenditur neque comprimitur ab acu, cuspide cultri, aut oleo vitrioli. Hinc contrahere se nequit propter elasticitatem. Sed neque ab immateriali principio, haec dependet contractio. Cum eadem contingat, separato musculo a reliquo corpore & discisis neruis. Anima enim non agit nisi per neruos, hinc in eam partem cuius nerui discissi sunt agere nequit. Nihil itaque supereft, quam vt fibrae ab irritatione praegressa contractio, dependeat ab alia quadam physica caufa. *Irritabilitatem* hanc vim vocant Physici ac Medici recentiores. Fibrae itaque se contrahunt propter irritabilitatem.

Schol. Cae, ne existimes vanum hoc esse nomen, & vim hic occultam adhiberi ad explicationem phaenomeni, quia nempe modus contractionis corporis irritabilis explicari nondum potest. Quae enim per experientiam certo demonstrari possunt, & quae diuersa ab aliis esse viribus, experimenta docent, ea & singulari nomine adpellari possunt, & adhiberi ad aliarum rerum explicaciones. Sic electricam vim diuersam esse animaduerimus a grauitate, magnetismo, similibus; eam existere, indubiis experimentis scimus; hinc, peculiari vocabulo electricitatem dicimus, & in explicandis aliis phaenomenis physicis tuto adhibemus, licet natura eius cognita ac plane perspecta nondum sit. Idem valet de grauitate, de elasticitate aliquique rebus physicis, quarum nomina nemo prudens cum viribus occultis antiquorum confuderit.

§. XIV.

Fibrae irritabilis contractio, sit vi maior i quam qua corpus irritans in fibram egit.

Insignivise contrahere musculos irritatos nemo ignorat, qui vel a limine Physiologiam salutauit. Adeas modo BORELLI opus *de motu animalium*, & videbis quanta vi musculus deltoides contrahatur. At hic musculus irritatus oleo vitrioli, punctus acu, se contrahit. Quis vero sanus crediderit tantas vires inesse oleo vitrioli, acui, similibusque corporibus. Cordis motum ab irritatione calidi sanguinis irruentis dependere, demonstrauit *Illustris DE HALLER* (*) Vis autem qua cor se contrahit maior est vi irruentis sanguinis. Huic enim decepsit a frictione aliquid, decessit a resistentia vasorum in extremitatibus arteriolarum, vbi variae in minimis tubulis fiunt secretiones. Tum supra demonstratum est, vim cordis esse maiorem vi qua sanguis mouetur. Haec omnia demonstrant, vim qua fibra irritabilis se contrahit, maiorem esse posse vi in fibram hanc agenti.

§. XV.

Hoc non contradicit aliis physicis legibus.

Videri equidem posset, absurdum esse, & reliquis physicis legibus contrarium, si adsumamus effectum produci posse caussae suae non proportionatum, & ea longe maiorem. Verum, non modo non contradicit hoc assertum physicis legibus, sed potius iis quam maxime est consentaneum. Certum equidein est effectum suae caussae semper esse proportionatum, sed hoc de proxima caussa tantum valet. Fac aquam, maxima vi, uti compressione aëris, embolo machinis peculiaribus intruso, sollicitari ad transitum per canalem quendam,

fed

sed clausum esse epistomium. Fac referari epistomium, exigua vi, erumpet illico aqua ingenti vehementia & vi onge maiori, quam ea fuerat, quareferatum est epistomium. Hanc vim quis non videt dependere a pressione aeris, aut emboli, tanquam a causa proxima, licet ea vis locum non habuerit, nisi aperuisses epistomium. Globus plumbeus ex clopeto siue aeris siue pulueris pyri ope projectus, stupenda velocitate mouetur, licet exigua fuerit vis qua vel valuulam aperuisti vel ignem expide & chalybe eliciuisti. Eodem modo fieri potest, ut in fibra irritabili vires se contrahendi iam adsint, & actuli irritatione, acus punctura, similique causa ad actum tantum deducantur. Possibile itaque est ut fibra irritatae contrahat maiori vi, quam qua fuerat irritata: adeo assertum hoc nihil continet, quod reliquis physicis gibus contradicat. Quomodo autem hae vires irritabili fibrae insint, hoc quidem determinari nondum certo potest. Sed ne hoc quidem de elasticitate, grauitate aliisque notissimis alias viribus determinare possumus.

§. XVI.

Ad applicatio ad corpus animale.

Corporis animalis fibrae musculosae sunt irritabiles (per exper.), vasa vero sanguifera arteriosa cincta sunt fibris musculosis (per pr. Anat.): hinc vasa quoque arteriosa sunt irritabilia. Calidus sanguis in cor irruens irritat cor (per exp.): potest itaque in fibris musculo- a calido sanguine irruente effici irritatio. Sanguis causus insigni vi e corde in arterias proiicitur (per exper.) sic non expandit modo arterias, sed & fibras musculas irritat. Elasticae fibrae se contrahunt si expandens cessat, hinc vasa arteriosa se contrahent, sed cum sint perfecte elasticas vi minore quam est vis irritativa

vi secontrahunt (§. antec.) patet hinc, vasa corporis animalis arteriosa maiori vi se contrahere posse, quam ea fuerat quam ab impulsu irriuentis sanguinis acceperant.

Schol. Errant itaque qui in determinanda vi cordis, ad eam vim respiciunt tantum, qua sanguis per arterias mouetur, cum haec vis ex parte dependeat ab arteriarum actione. Neque minus errant, qui a priori determinaturi vim cordis, ad totam frictionem in omnibus vasis, & ipsam omnium vasorum etiam capillarium resistentiam respiciunt. Cum pars huius renis superari possit actione arteriarum, quae efficit quoque ut sanguis in animalibus saepe exfecto quoque corde, per vasa non parua celeritate fluere perget.

§. XVII.

Vulgaris mechanicorum explicatio perpenditur.

Solent vulgo qui mechanicorum castra sequuntur Medicis, ut ex histris supra expositis se explicit, affirmare, longe esse aliam rationem elastrorum ex chalybe similique materiali consectorum, & fibrarum elasticarum corporis humani. Elicet adeo alia elastica corpora aequali vel minore vi se restituant, fieri tamen posse, ut fibrae elasticae longe maiori vi contrahant. Dici non potest quanto risu hanc responsione excipiat celeberr. *de SAUVAGES* (*) Non inutile tamen for existimamus ut paullo curatius haec vulgaris responsio excutiatur. Non negamus, parum haec nostra conamina utilitat habitura, si ab iis tantum data esset dicta responsio, qui in mechanica rudes fuissent & hospites: verum cum a summis in luta

utari arte viris data fuerit, qui mechanicas leges non ignorant, operaे sane pretium est, vt pro eorundem defensione liquid moliamur.

Duplici sensu sumi potest mechanicorum Medicorum aec explicatio. *Primo* ita intelligi potest: fibras corporis umani alia elasticitate gaudere, quam reliqua elastica corora non animata; hinc leges reliquorum corporum elasticorum ad fibras corporis humani adplicari non posse. Hoc modo illud intellectum vult **SAUVAGIUS**. Et fatendum sane est, falsam sic esse propositionem. Quod enim vniuerliter demonstratur de omni corpore elasticō, illud debris elasticis corporis humani valere quoque debet. Sed *cundo* sumi quoque eo sensu potest: longe aliam esse rationem elasticitatis in corpore humano, & aliorum elastroim, quia scilicet plures leges naturae in animali corpore concurrunt, quae simul sumtac, effectus dant a sola elasticitate uersos. Sic aēr elasticus est, sed effectus dat a sola elasticitate non explicabiles, quia scilicet simul grauis est. Hoc sensumta thesis vera est. Iungitur enim vt supra demonstratum est, irritabilitas elasticitati: Imo quis neget *sensibile* quoque se corpus animale, & varios a sensibilitate fibrarum produci iam posse motus.


§. XVIII.

Conclusio tractationis.

Quae hic iam fusius sunt disputata, breuiter iam & paucis verbis comprehensa lectori sistimus, vt uno veluti intuitu cum intelligat argumentum. Lex itaque vim augeri a resistente, falsa est si sumatur de absoluta vi corporis agentis; vera si vi intelligatur quae resistenti corpori communicatur. Vlnus casus locum habet in corpore animali, in qua vis cor-

dis sub statu naturali, non tota communicatur sanguini; hinc ea vis quae transit in sanguinem, augeri potest aucta sanguinis & vasorum resistentia. Sed id quoque fieri potest ob irritabilitatem elasticarum fibrarum muscularium, quae vi cordis, & sanguinis expansae, maiori etiam vi se contrahere possunt, quam ea fuerat a qua distendebantur. Credo hoc modi dilui posse, quae Excellentissimus SAUVAGIUS mechanici opposuit. Optandum interim esset, ut plures ea Mathezeos & Physices cognitione instructi, ad Medicinam faciendem accederent, quam celeberrimus hic vir in solidis scriptis suis demonstrauit. Speramus interim, non molestam fore contradictionem, viro, quem alias ob egregiam suam eruditio nem maxime veneramur: cum vt in omni scientia, ita in Medicina quoque valeat tritissimum illud: *amicus Plato, sed magis amica veritas.*

FINIS.



PRAENOBILISSIMO ATQVE DOCTISSIMO
DOMINO CANDIDATO
 S. P. D.
PRAESES.

Quantum ad perfectionem theoriae artis salutaris conferat Matheſis, nemo negabit, qui ſcripta BORELLI, KEILII, SCHREIBERI, HAMBERGERI, SAVVAGII, HALESII aliorum celeberrimorum virorum, vel fugitiuo ſaltem luſtravit oculo. Docet hoc & praesens controuersia, non niſi ex mechanices legibus ſoluenda. Praeclare itaque a Te factum eſt amicissime BOECKING! quod non modo Ienae, ſed & in hac noſtra Friedericiana, Matheſeos & Phyſices ſtudium, non neglexeris, & aptum Te adeo reddideris, medi- cas veritates rectius cognoscendi. Ipsiſus b. HAMBERGERI ſcholis phyſicas Ienae interfuiſti, neque reliquos neglexiſti eius Academiae celeberrimos doctores, Illuſtrem KALDSCHMIDIVM & STOCKIVM, ut & Experientiſſimum FAHSELIVM. In noſtra autem Academia diligenter interfuiſti praelectionibus Anatomicis & artis obstetriciae Magnifici & Excellentiſſimi BOEHMERI, exercitationibus clinicis celeberrimi IVNKERI, Praelectionibus Semiologicis & in mate- riam medicam, de form. medicis, & in dispens. Brand. Illuſtris BÜCHNERI, & ſcholis in mat. med. Excell. NICOLAI. Meis praeterea Mathematicis & Pathologico-Practicis. Probasti quoque hanc Tuam diligentiam & acquisitam doctrinam, Facultati noſtrae, ſuetis examinibus. Faciunt haec omnia, ut certiſſime augurer cras etiā, dum Cathedram mecum conſcēndis, Te demonstraturum, non inutiliter Te tranſegiſſe tempus vitae Academicae. Vale, doctiſſime Can- didate, & me quod facis, ama. Dab. in Reg. Fried.

d. 18. Mart. 1757.

* (o) *

VIRO
PRAENOBILISSIMO EXIMIEQVE DOCTO,
IOANNI CAROLO BOECKING,

S. P. D.

PETRVS IMMANVEL HARTMANN,
MEDICINAE DOCTOR, ACADEMIARVMQVE IMPERIAL-NATVR
CVRIOSOR. ET ELECTORAL. MOGVNTINO-ERFVRT.
SCIENT. VTL. SODALIS.

Quo erectiorem praeclariorēmque animi TVI indolem, quo maius ardentiusque veri studium, et quo incitatiōrem in litteris philosophicis medicisque ardorem, nullo tempore in TE non cognoui: eo gratius quoque et acceptius mihi accidit, quod me etiam publicum publici eius speciminis esse voluisti et spectatorem, et testem, quo singulis maturos TVOS academicos labores, exquisitamque in medicina eruditōnem, VIR DOCTISSIME, luculenter comprobabis. Quae quim ita futura praeuideam, vt ipse singulari hoc scientiae TVAE documento, optimus laudum TVARVM praedicator sis euasurus, ab earundem celebratione in praesentia calamo temperabo meo, in euitanda adulatio[n]is specie nimis curioso. At vero aliam, quae adhuc proxime imminet, non dimittam occasionem, et huic officiorū generi satisfaciēdi, et tum simul, inter ingenua vota, pro felicitate TVA liberaliter copioseque suscepta, capessendos summos in arte salutari honores, alterumque, quod ipsis praemittes, sole[m]ne specimen prolixē gratulandi. Interim VIR OPTIME, vale, meque fauore TWO, vt facis, prosequi perge. Dab. Halae Magdeburgicae,
Idibus Martiis, c[o]lo b cclvii.

* (*) *

27

FRAENOBILISSIMO ATQVE DOCTISSIMO
SALVTARIS ARTIS
C A N D I D A T O.
AMICO SVO OPTIMO.

S. D. R.

JANNES SAMVEL G A R L. M. C.
OPPONENS.

Q uamprimum in consuetudinem TVAM venire mihi liceret,
statim sinceritas atque animi TVI integritas effecerunt, vt
maximopere TE adamare in ceperim; nec non sequenti-
s temporibus perquam sum gauifus, vt hunc meum amorem at-
e amicitiam beneuolo acceperis animo. Nunc hodierna dies op-
issimam mihi praebet occasionem, hoc de meo amore TE pu-
ce certiores faciendi. Non itaque solum TIBI de egregia co-
tione in scientiis medicis adepta, sed et mihi cui tali viro fami-
liter vti licuerit, gratulor. Quod restat hanc amoris mei abs-
e peto remunerationem, vt in posterum me amare mihi que fa-
e velis. Quantum in meis positum erit viribus, semper TIBI
dilectissima signa verae atque infucatae amicitiae sum suppeditatu-
Vale. Scripsi Halae Magdeburg. D. 18. Mart. M DCC VII,

Ich sollte zwar, gelehrter Freund! geschickt von Deinem Ruhme
sing'en,

Ich sollte, nach der Neigung meiner Brust, Dein Lob in reine Lieder
zwingen;

Ich sollte Trieb und Leidenschaft; ich sollte die Empfindung schildern,
Und wie gerührt mein Busen sey: Was hält mich ab? Es fehlt an
Bildern,

In welchen sich die Zärtlichkeit entwickelte und Dir gefiel:
Wär dieses nicht zu viel gewagt von dem noch blöden Dichterkiel?
Wohlan! so nim indessen nur das Opfer Dir ergebner Triebe
Und billige den sanften Zug der Freundschaft: die geprüfte Liebe.
Sie widmet Dir in stiller Gluth ein Herz, das nur die Neigung kenn
Fühlbar für Dich, o! Freund! zu seyn, wenn uns auch schon di
Vorsicht trennt.

Die Ehre, so Dir heute lacht in Meditrinens Heilighum,
Zeigt in der Nähe ihrer Kranz und winket Dir mit späten Ruhm.
Ich sehe Deinen muntern Fuß schon hin zu ihrem Throne eilen,
Damit sie Dir den Purpur selbst kan mit zufriedner Hand ertheile
Bleib Deiner frommen Eltern Lust und sey Ihr Trost durch vie
Jahre!

Bleib wohlgerathner Sohn die Zier bereift - und Ehrenvoller Haar
Bleib aber auch geliebter Freund! Bleib mein Drest noch fern
hin

Der reinsten Neigung eingedenk, mit der ich Dir ergeben bin.

Dieses sind die Empfindungen der Freundschaft
durch welche sich der beharrlichen Gewo
heit des Herrn Doctoranden zu empfehlen such

ein aufrichtig - ergebenster Freun
Joh. Andr. Wilh. Büchr
aus dem Thüringischen, D. A. G. V